

阿毗達磨俱舍釋論卷第八

八

婆 敦 盤 旦 造

糠所裹於一切生有功能非單業如此諸感應知如種子等偈曰

如有糠米業 及如稻并華

分別世間品第三之三
行有於業俱舍中當說愛取於感俱舍中當說如此緣生若略說惟三謂惑業果類此三義前已顯偈曰

於中愛取感 如種子及龍 如根樹及糠

釋曰此惑與種子等云何相似譬如從種子芽葉等生如此從惑惑業類生又如池是龍所鎮住處恒不枯涸如此惑龍鎮住生池相續不斷又如樹未拔根斫斫更生如此未拔除惑根諸道滅滅更起又如樹時時生華生子如此諸惑數數生惑業類又如米爲糠所裹於生有功能非單米如此業爲惑至得

釋曰於前已說惑似糠今說業如有糠米又如稻蕉等以果熟位爲邊如此諸業已熟不更生報又如華於生子中是近因如此業於生果報中最爲近因偈曰

如熟飲食類

釋曰如已熟食及飲一向爲受用不可更轉爲生如此果報類不能於別生中更牽別果報若更牽報無得解脫義如此生相續依因依緣生不過四有謂中有生有先時有死有此四於前已釋偈曰

於四種有中 生有必染污

釋曰此中幾有定不定染污若一向染污惟

是生有由何惑偈曰

由自地諸惑

釋曰若生有在此地一切同地惑皆爲染污於三界無有一惑由此衆生不結生阿毗達磨師說如此染汚由大惑不由小分惑由自

在故若此位最昧鈍隨有惑先數數起惑最

近是時於此位中此惑即起爲染污由先疾利故接中有爲必應知如此染汚不偈曰

餘三

釋曰所餘三有即中有等各有三種謂善染

汚無記於諸有中幾有於何界相應偈曰

無色三

釋曰除中有所餘有何以故無色界非隔別

處爲至彼故起中陰於欲色界不數故則知

皆具四有如衆生依因依緣生此義已廣說

若衆生已生云何得住偈曰
世間以食住

釋曰有一法世尊自通自知爲他正說謂一切衆生以食爲住經言如此此食有幾種有四種偈曰

段食

釋曰段食者有麤有細細者是中有衆生食以香爲食故及諸天劫初衆生食以無變穢流故此食悉入彼身如油於沙復次若細衆生彼食亦細譬如髮汗蟲等觸食第二作意

食第三識食第四此中段食者偈曰

於欲界

釋曰此食於色無色界無由離欲此於彼生故偈曰

以三入爲體

釋曰於欲界香味觸入一切皆名段食作段
吞故先以口鼻舍之後分分吞故影光焰暉
此等云何成食由從多故作如此說此等若
非所食能令相續住亦入細食數譬如浴塗
等云何色入非食若作段食必約於色偈曰
非色入由此 不利自根脫

釋曰食是何法若能利益自根四大色入者
於正食時不能利益自根及四大何況能利
益餘根及四大非自境界故有時見色即起
樂及喜此色亦非食但緣此爲境能生樂受
等觸以此爲食非色復次已得解脫人謂阿
那含阿羅漢見可愛飲食無利益故偈曰

觸作意及識 三有流通三

釋曰觸者從三和合生作意者是心業識者
是意識此三若有流必是食此三通三界有

云何不立無流爲食由立食以能滋長諸有
爲義無流生起能滅盡諸有毗婆沙師執如
此復次於經中說食義食有四種爲令已生
衆生得住及爲愈相續又爲利益尋求生衆
生無流法不爾是故非食已生者於道中已
生衆生此義易解何者尋求生偈曰

意生尋求生 乾闥婆中有 對有

釋曰世尊以此五名說中陰衆生何以故此
衆生從意生故故說意生不取不淨及血所
有諸外爲生依故尋求生者欲得生未得故
食處處尋求生乾闥婆者由食香故以香益身
行向於道故對有者對向生處起故如經言
對起有礙害自體生有礙害世間由此經言
故對有名中陰復有別經言有衆生對有結
已盡非生有結此經中有四句復次已生者

謂阿羅漢尋求生者謂有愛衆生復次幾種食令已生住幾種食能滋益尋求衆生生毗婆沙師說一切食皆能爲二事何以故段食亦於有愛衆生令得後有佛世尊說有四食爲病根癱刺老死等緣作意食亦曾見令現

生位先舊師說如此有一父遭飢餓難以滿囊灰掛置壁上慰喻二子語云是麁二子數思麁饑得多時安住後時有人爲開彼知是灰失先作意即便命終復次於海中有多人船敗見大浮聚思謂是岸隨往趣彼至已觸之方知是淳失先作意即便命終於別誦中說海中有大身衆生從水登岸於沙上生卵以沙覆之還入海中若母於此卵憶念不忘卵則不壞母若於中忘失憶念此卵即壞經部解不爾勿由他食他食得成若釋應如此

於中若卵緣母憶念不忘卵則不壞若忘即壞有餘師說此憶在觸位中云何說食惟四爲不如此耶一切有流法必能滋益有雖然由勝故說偈曰

爲益此身心 能依所依二 能引生別有次第說後二

釋曰所依者謂有根身爲滋益此身段食爲勝能依者謂心及心法爲滋益此法觸食爲勝如此二食於滋益現世已生有中勝餘復立作意食者於引後有爲勝是所引有從業所熏修識種子生如此後二於引生未生有爲勝是前二食如乳母能將養已生故後二食如生母能生未生故由勝餘故惟立四爲一切所吞分段皆是食不有分段是所吞而非段食此有四句第一句者若吞此分段諸

根壞損害四大第二句者謂餘三食第三句者是所吞分段能滋益諸根增長四大第四句者除前三句如此與觸等如理應各立四句爲有緣觸等得諸根滋益及四大增長是諸亦非食不有謂別地及無流餘句應思若人食此食損食者根大此物亦是食由報初至故何以故段食於二時中作食用若正食時對治本病若消時增益身大毗婆沙師說如此於何道有幾食於一切道有一切食於生亦爾於地獄云何有段食有然赤鐵段爲食洋赤鐵汁爲飲若能損害物亦是食則違前四句亦違分別道理論彼論云何者爲段食若緣此分段滋益諸根增長四大相續得愈及識亦爾廣說如論由約能增益食說故無相違損害食於地獄中亦有食相何以故

金八
六

此食有能爲暫遮飢渴等病復次有別處地獄如人道有段食故是故段食徧五道中有此義應然佛世尊說若有人施一百離欲欲界外仙人食若有人施一凡夫人食此人在剗浮密林中行於此前施後施福德百千倍勝是何凡夫在剗浮密林中行餘師說住於剗浮洲或云是有福凡夫此執不然由說一故此中何所以施一凡夫食福德多勝施多離欲凡夫若施多凡夫食此福德勝施一凡夫是義可然有餘師說是近佛地菩薩餘師不說此義何以故若施此菩薩福德最多不可稱數若施此人所得福德乃至施百俱胝阿羅漢亦所不及毗婆沙師說有凡夫已得四諦觀決擇分能此中說名在剗浮密林中行此名與義不相稱又不曾於餘處但假安

立此名謂經及阿毗達磨藏等中說剝浮密

林中行必得四諦觀決擇分能是故此是自

所分別若爾云何必約菩薩正在剝浮密林

中行故說此言何以故此菩薩於是時與凡

夫離欲欲界二義相應故於餘仙人分別令

異此菩薩於無邊衆生無量倍勝而執百者

由隨前所立此義必應爾何以故由除此人

於外仙人格量湏陀洹故若不爾應以剝浮

密林中行格量湏陀洹說衆生依因依緣生

及衆生得住義已衆生死墮義亦已說謂由

福盡不由命盡等此義今當說爲於何識正

起時衆生得死墮及託生偈曰

斷接善離欲 退及死託生 此事於意識

釋曰斷善根更接善根離欲下界退失上界

死生如此六法於意識中成非於餘識由說

生故託中有義亦是所說若約受死生云何
偈曰

於捨受死生

釋曰捨命及受生此二心在不苦不樂受中
此受昧鈍故餘受則明了於明了識中死生
不成於此意識中偈曰

非一無心二

釋曰死及生雖復在意識非一心及無心中
何以故若人正在定心無死生義地非同分
故功用所成故能爲利益故於無心中亦不

得死何以故若無心人則無橫害是時依止

若欲起變異是時隨屬依止必定起現前

後方捨命非餘若於受生時無心亦不應然

心斷因不有故若離上心惑不得受生故是

故於中無心不應道理死有三種於前已

說偈曰

涅槃二無記

釋曰於威儀心及果報心若於欲界中有果報名捨若無於威儀心般涅槃云何但於無記非餘心中此無記隨順心斷絕由力弱故

舍入 ^
若人正死於何身分中意識斷滅若一時死

身根共意識一時俱滅若人次第死此中偈

曰

次第死脚臍 於心意識斷 下人天不生

釋曰若人必往惡道受生及人道天道如此

等人次第於腳於臍於心意識斷滅不更受

生是名不生謂阿羅漢此人於心意識斷絕

有餘部說於頭上何以故身根於此等處與

意識俱滅故若人正死此身根如熱石上水

漸漸縮減於腳等處次第而滅復次若衆生

如此次第捨命於中多衆生爲所末摩苦受所逼方死云何研末摩偈曰

所末摩水等

釋曰末摩者於身有別處如偈言

於身有是處 由隨觸令死 若優鉢羅華
鬚微塵所觸

故知身中有別處若於中被損觸能引令死此身分名末摩此末摩水風火中隨一大若起相乖似利刃斫之即便破壞此不如薪等被所即斷如被所即無復動覺故說名所云角八 ^
何不由地大第四病無故風熱痰三病如次第以風火水大爲上首與外器世界三災相似故是故於內身有三災此研末摩苦受死者多於此人起謂能數數行研他末摩事此人必由所末摩苦受死於諸天中無末摩苦

受死雖然若諸天子應有退墮事先有五種
小變異相現一衣服及莊嚴具出不可愛聲
二身光闇昧三正浴時水滴住身四本心於
塵馳動令住一塵五眼有軀動此五或時不
定復有五種大變異相現必不免死一衣服
染著塵穢二華鬢萎燥三腋下汗出四臭氣
入身五於自坐處不得安坐如此衆生世界
如此生住退佛世尊安立屬三聚攝衆生聚
有三種一正定聚二邪定聚三不定聚於此
中偈曰

正定邪定聚 聖人無間作

釋曰何者爲正欲盡無餘瞋盡無餘一切惑盡無餘故名爲正經說如此聖者
若此人相續中無流道已生故名聖云何名
聖從惡墮法能遠出離故名聖由至得必定

永離滅果故如此等人由於惑盡定故故名
正定若人已得解脫分能善根必定涅槃爲
法云何不立爲正定此人後當墮於邪定此
人不由時定定於正中譬如七勝等何者爲
邪地獄畜生鬼神道說此名邪此中作無間
業人於地獄道中定故說名邪定若異二定
所餘非定此義自成是三聚觀因緣屬二不
屬二說衆生世界已器世界今當說偈曰
此中器世界 說於下依住 深十六洛沙
風輪廣無數

舍人

十

釋曰三千大千世界諸佛說深廣謂依於空
住下底風輪田衆生增上業所生此風輪厚
十六洛沙由旬縱廣無復數堅實如此若大
諾那力人以金剛杵懸擊擲之金剛碎壞而
風輪無損於風輪上偈曰

水輪深十一 復有二十千

釋曰於風輪上由衆生業增上諸雲聚集雨
雨滴如大柱此水輪成深十一洛沙二萬由
旬云何於中水輪不傍流散由衆生業增上
力故譬如所食所飲是諸食飲若未消時不

墮熟藏餘師說如此或如食道理故由風所
持故不流散餘部說如此復次此水由衆生
業勝德所生有別風大吹轉此水於上成金
如熟乳上生膏偈曰

水厚八洛沙 所餘皆是金

釋曰所餘有幾許三洛沙二萬由旬是名金
地輪在水輪上水輪并金地輪厚量已說偈
曰

徑量有三千 復有四百半 有十二洛沙

水金輪廣爾

貞

土

釋曰此二輪徑量是同偈曰

若周圍三倍

釋曰若以邊量數則成三倍合三十六洛沙
一萬三百五十由旬金地輪在水上於此地

中偈曰

須彌婁山王 由乾陀羅山 伊沙陀羅山

佉持羅柯山 修騰婆那山 阿輸割那山

毗那多柯山 尼曼陀羅山

釋曰如此等山依金地輪上住八大山中央
有須彌婁山所餘山繞須彌婁住一由乾陀
羅二伊沙陀羅三佉持羅柯山四修騰婆那
五阿輸割那六毗那多柯七尼曼陀羅此須
彌婁山七山城所圍最外山城名尼曼陀羅
偈曰

於四大洲外 復有輪圍山

釋曰於第七山外有四大洲於四大洲外復有鐵輪圍山由此山故世界相圓如輪於中偶曰

七金此是鐵

釋曰由乾陀羅等七山皆金所成此最外圍山惟鐵所成偶曰

四寶須彌婁

釋曰約四邊次第金銀琉璃玻璃柯四寶所成諸邊隨能成寶類光明故於諸方中空色顯現似於本寶對剝浮洲須彌婁邊琉璃寶

所成由此寶光映故見空青色似於琉璃復

次云何如此等寶得生於金地上復有諸雲雨水滴如車軸此水爲種種種子胎藏有種種威德差別風吹變此水轉成種種類寶如

此轉變爲生別種類事總別由不先有及不

食

十三

並有道理能作因緣不同僧俗外道所立轉變義僧俗轉變者此物先已住轉成別法若爾有何失此有法不可解此法已住由有於中分別諸餘法何人說如此從法有法異此法類不異惟成異相說名轉變若爾亦非道理云何非道理此物即是即此不是先未曾有此言說道理如此方便金等諸寶已聚集生有別風由業威力所起此風能引取諸寶集在一處即成山成洲所取處成内外海須彌婁等山鐵輪圍爲後偶曰

入水八千

釋曰於金地上有水深八萬由旬此中諸山次第入中偶曰

此山出水上 亦八萬由旬

釋曰如此須彌婁山高一十六萬由旬偶曰

八山半半下

釋曰由乾陀羅山從水上高四萬由旬半下須彌婁山半沙陀羅山半下由乾陀羅山如此於諸山應知次第半下乃至鐵輪圍山半下尼曼陀羅山高三百一十二半由旬偈曰

食六

十五

高廣量平等

釋曰如諸山從水上高廣量亦爾偈曰

其中間七海

釋曰尼曼陀羅最爲後於彼中間有七海偈

滿八功德水此水冷美輕軟清香飲時不噎逆於喉飲已利益內界不損於腹此七海中偈曰

初海八千

釋曰由乾陀羅內是第一海廣八萬由旬偈曰

說此名內海

釋曰海有二種一內二外比二山內海偈曰一一邊三倍

釋曰已說此海廣八萬由旬若約乾陀羅內邊數一一邊三倍此廣合成二洛沙四萬由

旬偈曰

餘海半半狹

釋曰由乾陀羅伊沙陀羅此二山中間是第

二海半狹初海廣四萬由旬半第二廣爲第三由此半半狹應知餘廣量乃至第七廣一

千二百五十由旬長量不說由多量差別出故偈曰

所餘名外海

釋曰何者爲餘尼曼陀羅鐵輪圍二山中間名外大海此海鹹微滿鹹烈味水此海約由

旬數廣偈曰

三洛沙二萬 及二千

釋曰大海量如此偈曰

於中

釋曰有四大洲對須彌婁四邊偈曰

刹浮洲二千 三邊相如車

食入
古

釋曰於此海中刹浮洲一邊二千由旬三邊等量其相似車於此洲中央從金地上起金剛座徹刹浮洲地與上際平一切菩薩皆於中坐修習金剛三摩提何以故更無餘依止

及處能堪受此三摩提偈曰

一三由旬半

釋曰此第四邊廣量三由旬半是故此洲似

車相偈曰

東洲如半月

釋曰從此洲向東對須彌婁邊有洲名弗婆毗提訶出海上其相如半月若約邊量偈曰三邊如
一邊 三百半由旬
釋曰是第四邊廣三百五十由旬偈曰瞿陀尼相圓 七千半由旬
釋曰從此洲向西對須彌婁邊有洲名阿婆羅瞿陀尼洲邊量七千五百由旬此洲相圓如滿月偈曰徑量二千半
釋曰中央廣二千五百由旬偈曰鳩婁八千等
釋曰從此洲向北對須彌婁邊有洲名鬱多

羅鳩婬洲邊量八千由旬四角畝方相似比陀訶四邊量等如一邊二千由旬餘邊亦爾無微毫增減隨諸洲相於中住衆生面相亦爾此四洲中間有諸別洲起諸洲何名何處

偈曰

二提訶鳩婬 遮摩羅遮羅 中間有八洲

捨訶北瞞陀

釋曰此中有八洲一提訶二毗提訶屬東毗提訶是彼類故又有二洲一鳩婬二高羅婆屬北鳩婬是彼類故復有二洲一捨陀訶二

彌多羅瞞陀屬西瞿陀尼是彼類故復有二洲一遮摩羅二阿婆羅遮摩羅屬剎浮洲是彼類故此諸洲皆是人所住處惟阿婆羅遮摩羅一洲是羅刹住處偈曰

此中向北地 九山邊雪山

釋曰此剎浮洲中向北地有三黑山度三黑山復有三黑山度三黑山復有三黑山此山悉下故名蟻山九山北邊有雪山從雪山向

址地偈曰

香雪二山間 五十由旬池

釋曰雪山址邊香山南邊此處最勝其中有池名阿那婆怛多從此池流出四大河一恒伽二辛頭三私多四薄搜此池縱廣各五十五由旬徧滿八功德水非人所行處若有通慧人乃可得行此池南邊山高二十五由旬北邊山高五十由旬此二山雜物所成從香山北邊最勝處有巖名難陀七寶所成縱廣各五十由旬惟是象王所住處從此度六國土及度七重林七重河度第七河更有二林形如半月此林北生剎浮樹此樹高百由旬此

樹子若熟味美無等由此樹最高子味最美故洲因此立剝浮名地獄在何處其數量復

云何偈曰

向下二十九 阿毗指廣爾

釋曰於此剝浮洲下二十九由旬有地獄名

阿毗指深廣各二十九由旬若從底向上四

十由旬於中苦受無間故名阿毗指何以故於餘地獄苦受有間如更活地獄中衆生身已被所破及撞擣有冷風吹其還生故名

更活地獄阿毗指中無如此事有餘師說於中無樂間苦故名無間何以故於餘地獄雖無樂果報不遮等流果故偈曰

上有七地獄

釋曰從此阿毗指地獄上有七種地獄次第重累一大燒二燒三大叫喚四叫喚五聚燄

金人

十七

六黑繩七更活餘部說此七地獄在阿毗指地獄四邊此八地獄偈曰

此八十六園

釋曰此一切地獄各各有十六園佛世尊說

如此八地獄 我說難可度 滿極惡業人

各有十六園

四面有四門

害具及量等

鐵城所圍繞

六方皆鐵板

鐵地悉燒熱

猛火恒洞然

無數百由旬

徧滿焰交徹

何者爲十六園偈曰

熱灰及死屍

刃路等烈江

於彼四方異

釋曰此八地獄四面各各對門有四種園一

熱灰園深皆沒膝衆生於中若下脚血肉即

皆爛盡如蠟滴赤鐵上舉脚血肉還生二死

屍園此園死屍徧滿地皆是糞於中有蟲名

攘鳩多身白頭黑口利如針破彼衆生皮肉

及骨歛食其髓三刀刃路園有大路徧密有利刀刃衆生於中若下脚血肉皆斷壞舉脚血肉還生復有劔葉林園於中有赤利劔等仗風吹墮落研刺彼衆生身及身分復有鐵鉗摩利林利刺長十六寸於中衆生或上或下若上刺頭則向下若下刺頭則向上刺彼衆生身血肉皆盡於中復有烏色及駭色狗各取彼衆生食之復有鐵觜烏啄食彼衆生心眼此刀刃路等三衆生同爲仗所害故合爲一園四烈灰汁江園江名婢多梨尼徧滿極熱烈灰汁水衆生若入其中於兩岸上有
金
人捉劔梨叉等仗遮斷不令得上衆生在中或涌向上或沉入下或傍迴轉被蒸煮熟譬如大鑊滿其中水下然猛火於中有米豆麻麥等被蒸煮熟彼衆生亦爾此江園似大地

獄塹此四園由方有異故成十六是最極殺害因苦事處故名園有餘師說從地獄內出入彼更沒於苦故名園從問更生別問此地獄卒爲是衆生爲非衆生說非衆生若爾彼云何行動由衆生業譬如成世界風等若爾云何大德達磨須部吼底說偈曰

恒瞋最麤業 於惡起愛樂 見他苦生樂必作閻摩卒

是彼獄卒由王教擲衆生於地獄中故說彼爲閻摩王羅刹非前能作殺害事立爲衆生餘部說彼悉是衆生若爾此業復於何處受報當於此處受報何以故彼由宿惡業報故於此處生於中更作惡業即於中受報若爾作無間業衆生所受果報處彼在其中何法遮令不受此報云何彼在火中而不被燒汝

作如此思不業爲彼屬火故不被燒生於此
中與餘不異云何爲卒如此八種說名熱地
獄偈曰

八寒類浮等

釋曰復有餘八寒地獄一類浮陀二尼刺浮
陀三阿吒吒四阿波波五溫暖喉十九六鬱波羅
七波頭摩八分陀利柯於此八中衆生極寒
所逼由身聲創變異相故立此名此八是剉
浮洲下大地獄傍剉浮洲如此廣量云何於
中得容阿毗指等地獄處諸洲向下廣譬如

穀聚是故大海次第漸深如此十六地獄一

切衆生增上業所起有別處地獄由衆生自
業所起或多人共聚或二人或一人此別地
獄差別多種處所不定或在江邊或在山邊
或在曠野或在餘處地獄器本處在下畜生

日月彌婁半

釋曰與由乾陀羅山頂齊彼行如此月日量
云何偈曰

五十一由旬

釋曰月輪徑五十由旬日輪徑五十一由旬

行處有三謂地水空大海爲本處從海行於
餘處鬼神以閻摩王處爲本處此王處於剉
浮洲向下深五百由旬有大國土縱廣亦五
百由旬是鬼神本所住處從此本處散行餘
處於鬼神道中有大福德業神通受用富樂
如天上所餘諸鬼神如餓鬼本業經說復次
日月在於何處在於風中何以故是風於空
中由衆生共業增上所生繞須彌婁山轉如
水洄洑能制持日月及星從此洲向上日月
行高幾由旬偈曰

諸星輪量若最小徑一俱盧舍若最大徑十六由旬日輪下面外邊波瓈柯寶所成皆是

火珠此寶能炙能照月輪下面外邊月愛寶

所成皆是水珠此寶能冷能照由衆生業於眼身果華穀苗草藥等損益中如應有能於

火

四洲中惟一月能作損益事一日亦爾此一

日於四洲爲俱能作日所作事不爾云何不

爾於中偈曰

夜半日沒中 日出同一時

釋曰若於北鳩婬正半夜是時於東毗提訶

日正沒於剎浮洲日正中於西瞿陀尼日正

出於餘處例皆如此於此洲中由日行有差

別夜刹那有時增有時減日刹那亦爾此中

復偈曰

雨際二後九 夜則漸漸長

釋曰雨時第二月第二半第九日從此去夜漸漸長偈曰

寒際第四月 夜短

釋曰於冬時第四月第二半第九日從此去夜漸短偈曰

日翻此

釋曰是時夜若增是時日即減是時夜若減

是時日即增幾量增幾量減偈曰

日夜長羅婆

釋曰夜若增火增一羅婆日增亦爾此增次第

辛

應知偈曰

日行南北時

釋曰若日行剎浮洲南邊夜則長若日行剎

浮洲北邊日則長於白半初云何見月輪不

圓此有何因偈曰

由自影近日 故見月不圓

釋曰若月宮殿行近日宮殿是時日光侵照月宮殿由此日影覆月餘邊是影顯月輪不圓分別世經說如此先舊諸師說日月行相應有如此有時見不圓及半復次日等宮殿何衆生於中住四大天王所部天此諸天爲惟住此中更有別處若住宮殿惟住此處若依地住須彌婁山諸層中住此山有幾層一一層其量云何偈曰

山王層有四 相去各十千

釋曰須彌婁山從水際取初層中間相去十千由旬乃至第四層相去亦爾由此四層山王半量層層所圍繞此四層次第出復有幾

量偈曰

十六八四二 千由旬傍出

釋曰初層從須彌婁傍出十六千由旬第二八千第三四千第四二千由旬出何衆生得住此中偈曰

俱盧多波尼 持鬘恒醉神 諸四大王天
釋曰有夜叉神名俱盧多波尼住初層復有

諸天神名持鬘住第二層復有天神名恒醉住第三層如此等皆是四大王天軍衆四天王自身及餘眷屬住第四層如於四層中四大王天眷屬住偈曰

於餘山亦爾

釋曰於由乾陀羅等七山小大國土四大天王所餘眷屬住皆徧滿是故四天王天衆皆依地住三十三天住須彌婁頂偈曰

三十三住頂 繼廣二十千

釋曰於須彌婁山上帝釋及三十二天住此

最勝處此處縱廣云何有餘師說一一邊各

八萬由旬如下際此名最勝處有餘師說於須彌婁頂中央一一邊各二萬由旬周圍八萬由旬爲最勝處三十三天於其中住偈曰方角有四峯 金剛神所住

釋曰須彌婁四維各有一峯此峯徑五百由

旬高量亦爾有夜叉神名金剛手於此中住

守護諸天此須彌婁頂偈曰

中央二千半 高一由旬半 有城名善見

金軟多愛相

釋曰須彌婁山王頂中央有大城名善見縱

廣各二千五百由旬高一由旬半皆金所成百一種類寶之所莊飾城地亦爾地觸柔軟猶如綿聚下足即沒舉足還滿此城是帝釋所都之處偈曰

舍人

三

曰

一邊二百半 皮闍延多殿

釋曰天帝釋所住宮殿在大城中央名皮闍延多由種種寶類所莊飾故此處最勝能映奪諸天宮殿可愛相貌此殿縱廣各二百五十由旬於大城內有如是等最勝可愛相偈

曰

外衆車惡口 雜喜園莊嚴

釋曰城外四面最勝可愛處有四種園是諸天所遊戲處一衆車園二惡口園三相雜園四歡喜園此園於外莊嚴大城偈曰

中二十由旬 四善地四方

釋曰衆車等園四方各有別處名善地中間相去二十由旬是諸天最勝希有遊戲處如互相姤生可愛想餘園所不及大城外邊偈

東北波利園 西南善法堂

釋曰天中有樹名波利闍多是三十三天欲塵遊戲最勝處樹徑五由旬高百由旬枝葉至杪四邊各出五十由旬周圍覆三百由旬住此樹華開敷時香順風熏滿百由旬香逆風熏滿五十由旬若順風熏此乃可然說逆風熏云何可信有餘師說不過樹界故說此言何以故無香得逆風熏故有餘師說此

善人戒香逆風熏 正行芳流徧國界
依人中香氣故說此偈何以故此香是世間共知無如此能如彌沙塞部說此香順風熏百由旬逆風熏五十由旬有諸天集會堂名善法對大城西南角諸天於中坐論量世間應作不應作事四大天王及三十三天安立器世其相如此偈曰

從此上宮殿 天住

釋曰三十三天上各有宮殿所餘諸天依其中住何者所餘謂夜摩兜率多化樂他化自則漸歇薄乃至都盡是故餘香去不得遠形容比勝餘樹故說此言華香相續爲依止四大能熏餘處爲但熏風不出餘處此中無定諸師許有二種若爾云何世尊說此偈

六受欲

釋曰於二十二中有六欲界天能受用塵欲

華香非能逆風熏 根實諸香亦皆爾

非餘謂四大王天乃至他化自在天此六天

偈曰

身交抱捉手笑相視爲姪

釋曰依地住相應故皆二身交爲姪謂四大

王天及三十三天與人道不異是諸天由風

舍入

出故心熱即息以無不淨故夜摩天以相抱

二十五

爲姪心熱即息兜率陀天以捉手爲姪化樂

天以共笑爲姪他化自在天以相視爲姪一

切欲天同以二身交爲姪後相抱等四從譬

時量得名分別世經說如此向上諸天如欲

塵次第轉勝妙欲樂亦爾向上轉重於男天

膝上及女天膝上若有童男童女天生此童

男童女即是二天之子初生身量云何偈曰

譬五年乃至 譬十年初生 生中

釋曰次第於六欲天處第一天新天子如人

中五歲童子乃至第六天新生天子如人中
十歲童子此新生天子速得身量圓滿成就

偈曰

皆具根有衣色界爾

釋曰色界諸天具足身量衣裳被服自然著體以慙羞重故一切天同中國語說婆羅門

言於欲界中此義應知偈曰

於欲生有三欲界天及人

釋曰云何三有諸衆生自然至得欲塵於自

然得欲塵中作增上自在如諸人及諸餘天

諸餘天者謂前四部天有諸衆生化作欲塵

於化作塵中作增上自在謂化樂天有諸衆

生他化作欲塵於他化作欲塵中作增上自

在謂他化自在天此生由能受用如自然生

塵故由能受用如意自所化作塵故由能受

用如他化作塵故約此欲塵故欲界生有三
於色界中偈曰

樂生亦有三 於三定九地

釋曰於三定中有九地是名三種樂生何以
故是諸天由離生樂由定生樂由離喜生樂

長時安樂住無苦長時樂故名樂生於初
定中間生無喜樂故是樂生應思是諸天二
十二處如前所說從下向上相去幾許是一
切處不可皆以由旬數量其遠近雖然偈曰
如此至彼量 向上例皆爾

釋曰從剝浮洲等向上處從此處向剝浮洲
等如相去量從此處向上相去量亦爾如第
四層四大天王所住處四萬由旬從此向
剝浮洲相去量從此向三十三天亦爾從三
十三天向剝浮洲相去量從此向夜摩天亦

爾從夜摩天向剝浮洲相去量從此向兜率
多天亦爾如此一切廣例皆爾乃至從善見
向剝浮洲相去量從此向阿迦尼師吒亦爾
從阿迦尼師吒向上無復餘處由此義故此
處勝於餘處無處勝於此處故名阿迦尼師
吒有餘師說此處名阿迦尼師吒色聚集住
名阿迦此處究竟名尼師吒復有餘師說此
處名阿也尼師吒謂所行究竟生下處衆生
爲得往上地見上地宮殿不偈曰
下天無能昇 離通慧依地

釋曰三十三天或由通慧得往夜摩天或由
依他故得往謂有通慧人所引接或由上天
所引接所餘諸天亦爾若諸天生在上地來
下界下地得見上天若往上地則無所見以
非其境界故如不能覺上地觸於見色亦爾

是故彼不由自身來雖然由作下地化身故
來下地故下地隨意得見上地隨意得見下
地餘部說如此

阿毗達磨俱舍釋論卷第八

音釋

淳	蒲	沫	切	齊	前	西	切	瘧	徒	甘	切	睂	舒	闇	切
		水沫也		月脣	前	脣	也	瘧	病液也	睂	目動	也			
髮	莫	班		萎	於	危	切	噎	一結	食	室				
				萬也				噎	氣不通也						
也	瞞	謨	官	鈷	知	林	切	駭	北角	切	色	累	初	力	
				與砧同				駭	角通也			累			
鼻	汎	洑	酒音回	洑	音伏							累			
				洑	水波流也										